

屯門青年獅子會設計及出版組誠意

屯門獅子會活動

係一月三十一日既大清早，我地一班會員去到尖沙咀既海洋皇宮大酒樓，因為個日係屯門獅子會舉辦「千人宴」既日子，大會當日招待超過一千位長者食午飯。除左食飯外，仲有表演節目，紀念品同

埋利是添。大會仲好榮幸咁請到三0三區總監楊偉誠獅伯，上屆總監陳東岳獅伯，副總監邵一剛獅伯同前總監文錦歡獅姐到場支持。

我地青獅就負責同獅嫂同獅姐夫將所有大會安排既紀念品分派俾每位公公婆婆。個日我地個個義工都好投入，不過最投入都係捉住獅伯既



小朋友玩，陳卓智獅伯個仔仔聽講係非常之靚仔，我地有好多女會員都嘴過佢，而 Charles 獅伯個囡囡瞳瞳一 D 都唔怕我地，佢同佢朋友 Jessica 同我地簡直係打成一片，就係咁樣當日既活動就係一片歡樂既氣氛中完結啦。

完左當日既服務之後，我地同母會獅姐獅伯同佢地屋企人齊唱 K 團年，當然唔少得遊戲同抽獎啦。



千秋萬載 一統江湖

屯門青年獅子會設計及出版組誠意獻上

陳總舵主的秘密生活



繼上期訪問過我地千秋萬載既聖姑之後，今期決定專訪有「銷魂」之稱號既副會長陳總舵主。先講下舵主既個人資料先：

真名：陳嘉樂
年齡：20+
最喜愛明星：可愛女人
入會過程：參加屯門會既活動

以下係我地同總舵主既訪問對話：

記：聽講舵主你係係師姑奄修練架，你點樣睇你自己呢？
舵：我覺得自己既特點就係呆

啦，好多時好多野係我身上發生左我都唔為意，要朋友提點我先會留意。除此之外，可能由於係同一間女校由幼稚園讀到中學畢業，我覺得自己係一個做事比較爽快既人。

記：咁你入左理工大學之後有冇咩改變呢？

舵：以前學校同屋企好嚴，我而家對新鮮事物好有興趣，咩都想試下同玩下。大家有咩玩記得叫我。

記：可唔可以講下你咁大個人最遺憾既事呢？

舵：由小一開始到中四，我都有學拉小提琴，學既過程好辛苦，試過拉到手指流血，不過係屋企既壓力下，我係中四個年考到第六級(十年先第六級?)後來由於會考及大學入學試既原故，我就冇再繼續學啦，有時諗返學左咁多年都未去到第八級，都有想過再學返架。

記：不如講下你以前有咩難忘既回憶。


舵：哈哈，我四歲個年呀媽逼我學游水，上堂個時教練叫我地用手拉住泳池邊踢腳，仲叫我地唔好放手，奈可我係一個人地叫我唔做，我就一定會試下既人，教練一行開我就試下放手，結果差少少就浸死啦，

要死命咁拉其他人先冇事。不過好彩最後我都學識游水。
記：總舵主你最唔鍾意邊類型既人咁呢？

舵：基本上我個人咁隨和，咩人都鍾意架啦，不過我最怕個種係我面前同我好熟，背後又講我是非既人，最差最差就係個種係一班朋友之間成日挑撥離間個類人。

睇過以上既訪問，唔知大家對總舵主有冇加深左呢？以下送上舵主入會以黎既相同但既新年賀詞。

總舵主：
話咁快又到新年嘞，係呢 d 咁喜氣洋洋既日子，大家緊記要盡情玩樂!! 哈哈
本舵主借此機會，謹祝大家。係來年**身體健康、萬事如意、心想事成!!**



屯門青年獅子會祝大家新年進步

聖姑：
祝福你 在每一天裏 永遠多采多姿
心坎中 聚滿百般好 長存百般美
祝福你 在你一生裏 永遠充滿歡喜
好開心 共你好知己 時時笑開眉
春風為你吹開滿山花 秋月伴你天空萬里飛
讓夏夜燦爛滲進美夢 冬天冰霜不至
祝福你 遂你冲天志 百尺竿頭高起
一生中 願你每一天 時時笑開眉
衷心祝福你 永遠祝福你 達到真善

Raman：
活潑佻皮的猴年即將過去，緊接而來是朝氣勃勃的雞年。
過去一年的超級繁忙已近尾聲，心情就像困在囚籠裏的雛雀頓然獲得自由，在天空翱翔般舒暢。回望這一年，有緊張，有壓力，有喜悅，有驚喜，有悲哀，有無奈，一片片的回憶，隨著時間過去亦開始變得模糊。
新的一年，對自己有很多新要求，新目標。雖然仍然只環繞青獅，學業，工作及家人這些大範圍，但要實踐起上來亦不很容易。我相信我首要戰勝的是自己的惰性，只要能克服這難題，相信新一年我能得到更多體驗，為自己的人生添上更豐富的色彩。
新春喜氣洋洋，希望大家享受自己的一份幸福外，更要好好珍惜自己擁有的。歷史已清楚告訴我們，希望大家醒覺時不是為時已晚。
希望新一年世界和平，大家平安喜樂!


ROY：
動蕩不安的 2004 年過去了。充滿希望的 2005 年來到了。我恭祝大家新年快樂
在過去的一年中，香港和世界雖然都經歷了事故、戰爭、流行病，天災各種困難，但是我們並沒有被這些困難壓倒。
辭舊迎新 繼往開來，我相信 2005 年是充滿希望的一年
在此恭祝各位獅伯、獅姐、青獅「一年到晚都能夠像春節這樣，歡樂和諧」。

型生：
今年正式成為青獅會會員，希望黎緊呢年屯門青獅會雞年鶴立雞群，搞活動有聲有色，成績有目共睹，而我亦會對個會有頭有尾，有始有終……仲有仲有!! 恭喜發財!!! 希望下年有人派利是 la


型大：
祝各位男青獅越黎越'型'
女青獅越黎越'醒'
以及各位獅伯/姐越黎越'發'

本刊最後祝大家有一個開開心心既假期，係新一年事事順利，身體健康。

下期預告：小慧的心路歷程
投稿請寄 ngsheungkui@yahoo.com



- A. 2003-7-13 入會儀式
- B. 2004-1-31 區會春銘
- C. 2004-6-19 區會交接營
- D. 2004-7-10 本會活動
- E. 2004-8-8 青獅聯合就職
- F. 2004-12-5 青獅服務日
- G. 2004-12-27 北區青獅會籃球比賽



香港北區青年獅子會籃球比賽



話說本會係收到香港北區青年獅子會既籃球英雄帖之後，聖姑一聲號令要參賽，我地一班嘍囉當然莫敢不從啦。當日我地由聖姑帶領朗朗、Mr. 型、Raman、細佬，神獸、阿駒同另外兩位朋友出戰。

係分組第一場對特區中央既比賽度，上半場我地一度落後並陷於苦戰，幸而係聖姑爆笑既技術之下，我地仍然能夠同敵人拉成均勢。到左下半場換入左細佬呢架電單車之後，我地就一路開快車直到贏為止。

到左分組第二場，對住同我地會有錯綜複雜關係既香島，我地梗係識

做啦，就住就住咁就係劣勢下出左局啦。(不過人地好波係事實)

當日最大既發現當然就係有人講左句：「Vincent，你好型呀！」就咁我地就多左「型氏夫婦」



“Vincent，你好型呀”

金鐘青年獅子會「國產碌碌齡」

金鐘青年獅子會一年一度既「國產碌碌齡」，今年同上年一樣係九龍灣陶大花園既AMF舉行。當日出席既會員包括聖姑、舵主、教主、Raman、型氏、神獸、朗朗、Roy同阿駒。為左加強士氣，聖姑約左我地一早係對面既「世華餐廳排房」食早餐，但係食左一陣某青獅就表示要去隔離會飲茶，

我地梗係唔想放人啦，不過最後都唔成功，所以佢就俾我地狠狠咁懲罰左一下。(大家留意下圖某青獅既名牌)

講返場齡，雖然我地會個個都全力以赴，盡晒全力，仲有互相鼓勵咁去得分，不過好快大家就發玩原來大家都唔係好識，海軍不斷咁鼓勵

水兵究竟會唔會有奇蹟出現呢？




元旦慈善登國金 獅子群星顯愛心

零四年聖誕期間東南亞發生了一場大天災，大量災民極需援助。港澳三0三區獅子會於零五年元旦日在香港最高的大廈「國際金融中心二期」舉辦了一個名為「元旦慈善登國金 獅子群星顯愛心」的籌款活動。當日屯門獅子會聯同青獅會亦派出一隊參加比賽。



當日我地一隊共八人接力由地下行到上八十八樓天台，我諗大家平時好少行咁多樓梯，原來跑樓梯係好辛苦架，我頭五層好輕鬆咁跑完，第六層開始已經要用埋手先上到去，睇黎大家想瘦身既話，不妨考慮下行樓梯，我估好過去健身室。

當日大會冠軍以少於十二分鐘一個人跑完八十八層樓，實在係令人難以相信...



答案係唔會既，我地會隊最高分個個Raman都係得107分，隔離條線既人碌到好似打桌球咁準，我地既「齡」最多行走既線路就係左右兩條坑。結果得一個人過一百分。

不過無論如何，當日我地過左一個好開心既上晝，如果有機會我地下年都要參加多次，今年有黎既青獅下年記



得參加啦。不過奉勸下年會長參加前最好成班會員進行一個特訓先，起碼要個個人過一百分先得。

